

Hordaland Fylkeskommune  
Postboks 7900  
5020 Bergen

Bergen, 29.03.2017

## **Høyringsuttale til Regional kystsonesplan for Sunnhordland og Ytre Hardanger. Ref: 2014/ 11042**

Vi viser til høyringsforslag for Regional kystsonesplan for Sunnhordland og Ytre Hardanger som er utlagt til 2. gangshøyring med høyringsfrist 29. mars 2017, vårt brev med 1.gangs høyringsuttale datert 30.09.2015, kommentarbrev datert 30.09.2016 og fleire møter om planen.

Havbruksnæringa er stor og stadig viktigare for landet og regionen, og det er eit mål frå styresmaktene si side at det skal tilretteleggjast best mogeleg for vekst i næringa innanfor ei ramme av økonomisk, sosial og miljømessig bærekraft. Vi har i tidlegare brev gitt uttrykk for at forvaltning av havbruksnæringa bør kjenneteiknast av føreseieleg regulering og nødvendig fleksibilitet.

Det føreliggjande utkast til Regional kystsonesplan har gjennomgått fleire revisjonar og er no meir i tråd med forventningar frå havbruksnæringa, og vi er glad for at det i planforslaget er lagt ut fleire områder for akvakultur. Planforslaget er likevel enno ikkje godt nok til at vi kan tilrå at planen vert vedteken slik han ligg føre.

Etter vår meining er det også feil tidspunkt å vedta ein slik plan på

Utfrå dette vil vi be om at endeleg vedtak for planen vert utsett med fylgjande grunngjeving:

- Styresmaktene har vedteke å innføre ny sonestruktur for mulig vekst som vil ha innverknad på heile næringa i planområdet, og det er uheldig å utarbeide kystsonesplan som ikkje er basert på erfaring frå denne soneinndelinga. I tillegg er utstrekning av marine verneområder uavklart og Mattilsynet sine avstandskrav under utgreiing.
- Kommunaldepartementet er i ferd med å utarbeida veileder for planarbeid i sjø, og det kan vera føremålstenleg å basera planarbeidet på det som vil vera resultatet av dette arbeidet

Dersom endeleg vedtak ikkje vert utsett, vil vi be om at det for havbruksnæringa sin del vert føreteken endring og omsyn når det gjeld fylgjande punkt i retningslinjene for planen:

- Verneområda er for store og omfattande, dei vil hindre utvikling både på land og sjø for næringsliv og befolkning
- Planen bør og må brukast som kunnskapsgrunnlag, men ikkje vedtakast som bindande/ førande for kommunal planlegging

- Verneområda som er føreslegne i planen må sjåast i samanheng med Marin Verneplan og innrettast slik at verna areal totalt sett vert mindre i omfang. Det er og uklart korleis ny sonestruktur påverkar reelt tilgjengeleg areal, og kystzoneplanen må også vurderast opp mot konsekvensar av dette etter at dei konkrete verknader av ny sonestruktur er kjent og implementert
- I retningslinjene til planen må punkt 1.3 som gjeld motsegnrett takast ut av planen
- Punkt 2.16 må endrast slik at kommunen har mulighet til å tildela sjøareal til havbruksføremål når dei finn det tenleg utan at det føreligg teknologiske nyvinningar eller at området skal øyremerkast til nye artar.
- Punkt 3.5 må endrast slik at fortøyningar kan leggjast i areala som er karakterisert som sjø- og vassdrag generelt og slik at framtidig utviding av AK område gjennom kommuneplanvedtak kan gjerast i desse områda.

Vi har fylgjande forslag til konkrete endringar av verneområder:


- Utstrekninga av arealsone i Fitjarøyane må reduserast
- I Brandasund vil føreliggjande forslag avgrense utviding av foredlingsanlegget der, og vi ber om at det vert lagt inn areal som gjev muligheter for utviding av dette anlegget på land
- I nordre og vestre delar av Austevoll er altfor store delar av sjøarealet foreslått som verneområde. Dette må reduserast monaleg
- Vi er samd i at sårbare område skal ivaretakast, men vernetanken i dokumentet er framleis framtrekande og bør balanserast meir mot omsynet til og behovet for næringsutvikling

### **Konklusjon**

Innhaldet i plandokumentet samsvarar ennå ikkje med planen si målsetjing på vesentlege punkt. Det er heller ikkje rett tidspunkt å vedta endeleg plan på.

Vi ber primært om utsetjinga av endeleg vedtak av planen, subsidiært om endring av ovannemnde punkt før vedtak.

Med helsing  
Sjømat Norge

  
Hans Inge Algrøy  
Regionsjef Havbruk Vest